

四庫全書

史部

欽定四庫全書

硃批諭旨卷一百七十八

硃批德明奏摺

雍正四年十二月二十八日山西巡撫臣德明謹

奏為奏

聞事臣遵

旨於十二月初八日自京起程於十六日入山西境至
二十日抵太原府巡撫衙門到任經臣先後具疏

題報在案臣自入境後沿途過平定壽陽樂平盂縣

榆次太原陽曲各州縣地方留心體看俱得雪九

寸至一尺二三寸不等及臣到任之日查閱通

冬雪

沾足慶幸來歲之兆則可何得遂云定獲豐收天

口放

言耶百凡處惟當克誠克敬盡人事以待

天

此等狂妄矜誇之心不可存此等無理不經之言尤不

聖主至誠格天降此歷年未有之瑞雪與晉省山坡地

可道戒之慎之方更屬相宜明歲二麥定獲豐收再省城米價現

上

天之恩何敢預定此奏朕甚不喜恐爾存此心則兢

今小米每倉石合銀九錢六分二釐麥子九錢九

業寅畏之念弛矣米價平減是乃

上

蒼錫

分黑豆六錢三分二釐高糧六錢五釐米糧價值

更當留甚福之日趁此亟宜勸諭百姓蓄積不得狼藉五穀
平之心設法以克裕倉儲為要勉力率屬為之

訓旨事宜容臣次第詳晰確查具

奏請

旨遵行外所有臣入境後查訪地方得雪米價平減緣

由理合繕摺奏

聞以慰

聖懷謹

奏

爾此奏不但不能慰朕徒煩朕心摺內定獲豐收米價甚賤二語殊無足取朕以為爾知朕意赴任後必能仰副所以甚為晉省寬懷今覽初次奏摺此景殊不能體朕之意矣奈何

雍正五年正月十九日山西巡撫臣德明謹

奏為欽蒙

聖訓恭謝

天恩事竊臣標把總齎回臣奏地方得雪米穀時價一摺蒙

皇上硃批誠訓周詳深切臣跪讀之下惶悚無地伏念臣愚昧無知於到任之初不能仰慰

聖懷乃以矜誇放縱之言附入奏摺煩瀆

聖心臣實愧悚之至今蒙

皇上天恩誠訓諄諄臣惟有欽遵

訓旨兢兢業業實心任事以期仰副

聖主諄切教訓之

隆恩所有奉到

硃批理合恭繳謹

奏

一切處不可率易遇好境不可肆志但以敬慎二字處之無往而不是矣

同日又

奏為奏

聞事竊臣欽遵面奉

上諭於到任後查訪得鴈平道謝王寵為人執拗伊任

執拗

微疵

猶屬

無妨

但最

伊不

可務

虛名

凡伊

屬員

皆奉

公

內之事尚能辦理居官操守好凡伊屬員皆奉公

守法於地方尚屬有益之官所有微臣察訪過緣

由理合繕摺恭

奏仰祈

皇上睿鑒謹

奏

謝王寵不失為端方正直之人若不迂腐則甚可任用
雍正五年二月十三日山西巡撫臣德明謹

奏為奏

聞事竊晉省錢文一事臣於湯山

行宮面奉

上諭令臣將民間廢銅多多收買設局鼓鑄試看欽此
欽遵臣到任之後即查各州縣收過廢銅數目止

據祁縣等五十九州縣共收過廢銅三千四百三十斤四兩共收過小錢計重九千四百三十一斤

臣恐地方官奉行不力以致民間觀望遷延藏匿

此事不交臣即嚴飭各州縣實心奉行將廢銅多多收買又恐有姦民射利銷燬制錢情弊臣亦通飭各設法勸諭廣布耳目伺察屬員之奉行善否多方懲獎以收實效觀汝徒特法令似近強逼或止行之於省城庶幾猶可望外所有現今收過廢銅數目理合繕摺奏

聞謹

奏

固不宜懈亦不宜急凡事如此方為得中

同日又

奏為奏

聞事竊臣到任後查原任兵部武選司員外郎崔致遠
係曲沃縣人嗣曲沃縣知縣葉華暉到省臣即問
該知縣聞崔致遠在籍甚不安分從前曾約束訓

飭他沒有隨據葉華暉回稱崔致遠居鄉人皆說
他不安分但無確實款蹟前任總督伊都立曾令
知縣查過等語臣即諭知縣葉華暉崔致遠在地
方上不安分不可給他體面即出示嚴行約束不
時差人訓飭不許他在地方上妄行多事臣亦時
加嚴飭外理合繕摺恭

奏伏祈

皇上睿鑒謹

欽定四庫全書

奏

觀此則葉華暉必有科甲年誼所以彼此互相袒護如
葉華暉果係沽名釣譽取媚紳衿之員則當一體叅處
既據鄉人僉有不安分之語豈竟毫無確據此等巧詞
只可朦混伊都立德明等巡撫耳設云崔致遠居鄉安
靜守分反為近理可信若似此不即不離依違兩可之
語朕前如何行得縱該縣不肯秉公據實直言爾等豈
再無訪聞之術耶此奏甚屬不合

同日又

奏為恭繳

硃批事雍正五年二月初二日奉

皇上硃批訓旨臣跪讀之下感激涕零竊臣至愚至陋
荷蒙

聖恩特授巡撫重任臣雖事實心加謹辦理每多失
於粗率時切惶悚今蒙

皇上訓諭敬慎二字實居官行事之寶鑑臣銘心鏤骨

永遠遵守刻刻以敬慎二字存心行事庶將來獲免過愆皆荷

皇上洪恩教訓矜全之所賜也謹將奉到

硃批原摺恭繳伏祈

睿鑒謹

奏

教訓何惜矜全莫望凡事須還朕一是字方可

雍正五年閏三月初七日山西巡撫臣德明謹

奏為奏

聞事竊臣前奏沁水縣店家廉崇照代吳奇明赴縣遞
呈一案續據沁水縣報稱選差的役押同店家追
至翼城縣地方拘獲原具呈人該縣訊據供稱實
名李亨榮係臨汾縣學生員又追獲同行人田帝
簡該縣小心看守按時給以飯食李亨榮堅執不
食此二犯該縣現在起解赴省尚未解到又據臣
差千總前赴臨汾縣拏獲李明端併田帝育之父

田自香趙學朱之弟趙學鼎押解到省又據臣差
守備前赴直隸任縣拏獲張文斗張祿紫張弄戈
張文標段奇劉起鳳周有懷田帝育在各家細細
搜檢竝無簿籍等物惟張文斗家內搜出長鎗一
杆腰刀一口又赴南和縣拏獲趙學朱稟報到臣
是案內要犯已經就獲俟押解到日臣即審明虛
實另

奏外所有獲犯緣由理合先行奏

聞謹

奏

李亨榮始初尚欲投案作證今經就獲而反不食難解其意矣總之審明自得真情亟當細心研究不可冤抑無辜至追獲此案之捕役人等宜重賞以示鼓勵

雍正五年閏三月十二日山西巡撫臣德明謹

奏為奏

聞事竊臣屬太原府地方於本年閏三月初二日得雨

一寸有餘初三日得雨二寸有餘初七日得雨三

寸又據各屬陸續申報均於初二初三初七等日
據云雨止數寸何能四野霑足此奏大似不確
得雨五寸四寸不等四野霑足麥苗長發茂盛秋

田俱已播種理合繕摺恭

奏再查沁水縣所獲遞詞人李亨榮等又臣標守備
此案當虛公竭力詳細審訊於中甚有難明處
在任縣拏獲張文斗等俱於本月十一日解到太

原臣現在究審合併

奏明伏乞

皇上睿鑒謹

奏

知道了

硃批諭旨卷一百七十八

欽定四庫全書

硃批諭旨卷一百七十九

硃批朱杰奏摺

雍正六年六月二十一日福建汀州總兵官

臣朱

杰謹

奏為奏

聞事竊

臣

叨沐

皇上格外殊恩擢用今職履任以來日切冰兢恒虞隕

越惟時飭晝夜巡防消弭姦宄文武和衷地方寧謐以仰副

皇上宵旰勤勞之至治今春雨暘時若農務耕種入夏又風調雨順秋成豐稔第汀州一郡地處巖谷之中山多田少素非產米之區惟藉江右挑販接濟若江右獲遇豐年則汀郡竝受其福臣自上年九月抵任迄今數月以來白米價值每石一兩一錢麥每百斤價值一兩三錢戶慶盈寧兵民樂業理

合繕摺奏

聞伏乞

皇上睿鑒謹

奏

據奏汀郡山多田少素非產米之區惟藉江右挑販接濟等語如今歲江右之收穫即不為豐稔可奈何大凡本土不敷所食而藉他處以為接濟者皆緣百姓不肯服勤務本未盡地力之所致耳若果山不可耕居民亦

必稀少斯人斯土未有盡地力而不敷食用之理當勸諭兵民務農敦本毋循舊染怠惰之習竟以為分應如是也將朕此諭亦通知有司各官令其領悉

汀州一鎮緣陳有功罪魁久任十八年以致廢弛不堪大抵兵丁老弱隊伍不齊盔甲器械敝毀鏽壞陳祖訓接任後又復因循未理至初有德署事力為整飭方少有可觀朕之所聞營伍情形如是果不謬否汝承此敝壞之後當倍加心力整頓萬不可苟且塞責況今廢弛

日久甲冑器械縱需費用猶易料理至於兵丁必皆偷安習嬾荒怠性成若不大費一番精神教導訓練何能改絃易轍倘或以咎在前人於已無涉而推諉膜視則罪更勝於陳有功也勉為之此等處因汝竝未奏及朕疑有隱匿瞻顧情景所以諄切降諭汝意豈欲效法陳有功之故步耶

同日又

奏為微臣教子不嚴瀝陳請罪仰祈

睿鑒事竊

臣

猥以庸愚荷蒙

皇上隆恩兩畀封疆重任而

臣

子朱常表於雍正四年

十月十八日以廕生改武蒙

皇恩賞賜藍翎粘桿行走是

臣

一門父子均受

天高地厚之深恩雖捐糜頂踵不足報稱萬一乃本年

五月二十三日

臣

子朱常表回抵

臣

署具陳於雍

正五年十二月二十六日粘桿大人帶領引

見以差使懶惰奉

旨革退於本年正月自京起身因憂悸患病一路耽延

至今未愈

臣

聞不勝悚慄痛加懲戒泣思

臣

受

國家殊恩秦養四十餘年雖不敢謂奉職無愆竝不

敢少有懶惰而

臣

子朱常表乃不肖若是良由

臣

教子不嚴以致隕越罪何可逭理合即時具摺請

罪緣

臣

恭請

陛見伏候

敕旨茲於六月十八日蒙兵部劄行到

臣

奉

旨朱杰不必來京陛見該部知道欽此

臣隨望

闕叩頭欽遵外惟有竭盡駑駘保固地方和輯兵民以

仰報

皇恩於萬一耳抑

臣

竊有冒請者

臣

子朱常表初得奔

走

闕下冀稍成立以圖報效今在

臣

署容

臣

著實教訓鞭

策勉其成人倘邀

皇上宥過之仁予以自新之路發在苦差行走練習勤

謹皆出自

特恩殊典格外栽培

臣

一片愚誠罔識忌諱不勝激切

待

命之至謹

奏

子弟之賢與不肖何能強其必然為父兄者只可盡其在已之道汝此子甚屬平常似非教訓鞭策所堪造就者朕每於督撫提鎮之子姪中擇其可望成立者留京

教導以為將來任使之用耳其如朽木糞土何八旗行走苦差之人頗不難得奚用汝等子姪充數強留之或恐反累及汝等朕深知無益所以將難望成立之輩悉皆發回也

雍正六年十月初二日福建汀州總兵官

臣

朱杰

謹

奏為遵

旨奏

聞事雍正六年九月十九日臣家人齎摺回汀恭捧

硃批諭旨臣恭設香案望

闕叩頭謝

恩訖伏讀

聖諭臣遵即將

旨意通知汀州府屬有司官勸諭兵民務農敦本盡地

力以敷食用不可因循舊染情習仰藉他省之接

濟除實力奉行外臣

查得汀郡本年入秋得雨晚

未有九分收成豆麥較上年有十分收成民人樂業地方寧謐伏乞

睿鑒至於汀州營伍前鎮

臣

陳有功在任十八年諸凡

廢弛種種不堪

臣

前任興化副將時即已周知素

所鄙薄陳祖訓接任亦屬因循營伍情形誠如

聖諭

臣

以菲材受

皇上擢用隆恩惟有竭盡心力料理整頓雖肝腦塗地亦屬不辭復何敢以咎在前人推諉苟且復蹈陳

有功之故步

臣

自到任以來凡遇將弁諄切教誡

老弱兵丁悉已汰除甲械皆各整齊臺汛俱行飭修按期操練時刻察訪務求營伍改觀以仰報

聖恩於萬一茲伏讀

聖諭未見

臣

奏及此

民

不勝惶恐戰慄

臣

實見識愚昧

以事必著有成效方敢據實具奏惟有仰遵

敕諭開載事宜朝夕諷誦實力奉行無敢因循怠忽以

盡職守今蒙

皇上指示嗣後有當奏

聞容

臣

繕摺具奏

臣

不勝惶恐戰慄之至為此謹

奏

好勉力為之果能克盡厥職朕自有鑒照也

雍正七年三月二十二日福建汀州總兵官

臣

朱

杰謹

奏為奏

聞事竊

臣

於雍正六年九月欽奉

御批摺內以汀郡食藉他處皆緣百姓不肯服勤務本未盡地力之所致當勸諭兵民務農敦本未有盡地力而不敷食用之理大哉

王言誠足食裕民之要道當經通知汀郡有司遵行外

時維十月萬寶告成民人收穫蓋藏之後正臣巡

查各汛之期隨於十八日輕騎減從親往巡查各汛覈其名數虛實考其技藝優劣分別勸懲於衝僻要害處所添兵責令汛弁防守因於巡歷之時

兼察民情風俗由縣治而過接見有司紳衿

臣則

宣布

聖諭使之勸諭民人當盡地力以敷食用其由郊野所

經當人煙輻輳之處

臣亦親講

聖諭從容勸導兵民間之莫不歡欣鼓舞

臣於十一月

十六日巡察各汛事畢方抵

臣

署至於本年陸路

提臣石雲倬為奏請公糧等事除營中各官隨丁

外每兵百名收入守糧三名為軍裝之需奉

旨允行在案因公糧一時難於驟得臣先將本身隨丁

糧內每營捐出四分發交三營將備為營中軍裝

之需俟公糧滿日則由把總千總守備遊擊至臣

以次仍照原額收回現今臣標修造盔甲一百頂

副已經造完送督提二臣閱驗訖其三營之排鎗

藤牌腰刀大刀應行修改者俟完竣之日另摺奏

聞又本年為欽奉

上諭事部議每兵一千名配威遠礮四位其子母礮應

行解京

臣

標向無威遠礮今每營各將行營礮四

位暫克威遠礮現在操演三營共應製造蕩寇礮

一十八位以抵子母礮方符兵千礮十之數

臣現

差把總赴省製造尚未回營其旗幟號衣器械等

項隨時修理務極鮮明

臣

標三營馬步兵丁逐日

訓練時加考核今技藝稍有可觀但必求其精熟

此則

臣

職之所當自盡者也汀郡入春以來雨水

調勻麥苗茂盛茲當播種之時米價均平兵民樂

業_臣謹將地方營伍情形繕摺具

奏伏乞

皇上睿鑒謹

奏

覽奏深慰朕懷但一切奏聞務須據實直陳不可絲毫粉飾涉於欺誑

雍正七年九月二十一日福建汀州總兵官_臣朱

杰謹

奏為據實奏

聞事臣伏讀

殊批諭旨感懼交集竊

臣

賦質庸愚知識淺陋自任遊

擊以至偏裨惟以無欺為本歷奉上司所言所行
未嘗敢有一毫欺誑因得循分供職雍正五年

臣

年六十七歲荷蒙

皇上擢

臣

總兵格外

隆恩天高地厚自矢報

主之心長恒恐效力之日短當此而尚懷粉飾臣雖至

愚斷不敢出臣今將臣標近日營務情形謹為我

皇上陳之除前修造盔甲改造排鎗經臣具摺奏明者

不敢復瀆

宸聰臣標三營藤牌手向用腰刀未能如式現在改造

牌刀一百口復添造牌刀一百一十口每營分配

七十口共改造牌刀二百一十口併前修理藤牌

一百面又修理藤牌一百一十面俱已完竣又修

造護礮大刀閫營呼為雙手帶共六十把製造長

鎗共一百五十桿各營分配亦已完竣又臣標應

製造蕩寇礮一十八位以抵子母礮臣前差員赴

省局製造今已完竣又臣標三營龍燧原各十二

桿而外汛間用飛虎旗新舊參差不一今三營各

製造綠緞龍燧八桿共二十四桿合成龍燧六十

桿存城存汛一色鮮明俱已完竣所有前項器械

礮燧經臣差員齎送督撫提臣閱驗訖其餘軍裝

隨時修整臣標三營馬步兵丁照常操演而近日

尤覺矢志上進皆由

皇恩浩蕩兵心感激而然也所有營務情形理合據實

繕摺具

奏伏乞

皇上睿鑒謹

奏

覽奏知道了砥礪操守最為要務汝等武臣於此多不

檢點徇目前之小利忘身家之大害者十居八九況血氣既衰戒之在得尤為難事勉為之莫負朕恩保全始終留令名於子孫勝如金帛田產多矣切勿輕重倒置勉之慎之

雍正八年三月二十二日福建汀州總兵官

臣

朱

杰謹

奏為據實奏

聞事竊

臣

跪讀

硃批諭旨感激涕零懼併汗集伏思人臣文武雖屬分途而報

國之心則一武臣中往往不知檢點徇目前之小利忘身家之大害者誠如

聖諭蓋輕重不容倒置公私不能竝立惟一念稍涉於私則身家之念重奉公之念輕遂至蕩檢踰閑無所底止

臣

居官日久見武臣中有操守好者身名

俱全未嘗不肅然加敬有操守不好者身罹法網

貽害子孫未嘗不悚然加懼也且人年老戒之在得

聖訓昭然夫利令智昏雖少壯亦且不免況垂老之年

桑榆暮景冀圖小利以為身後之計不知立身一

敗萬事瓦裂福善禍淫天理不爽妄求所得究與

已身何涉

臣

雖至愚頗惜廉恥任事以來夙夜戰

兢今蒙

果能言行相符更有何可諭耶

皇上教訓指示深切如此敢不益加詳慎勉圖報效

臣

敬謹鈔錄

聖諭朝夕供奉觸目警心矢志不移務期保全一生無負我

皇上擢用教養之隆恩而已臣標營務情形經臣具摺

奏明不敢復瀆

宸聰所有臣標三營馬步戰守兵丁盔甲臣公商之將

備等閱驗挑出現在披戴新鮮花素盔甲一千四百四十頂副尚宜修造花素盔甲一千四百一十

頂副所需銀兩

臣

俱設法借貸於舊年十月內興

工至今年三月完竣其借貸之銀按季公糧關出

清還至於

臣

標兵丁照常操演觀風整俗

臣

劉師

恕巡視到汀已於三月二十日同

臣

閱驗訖汀郡

舊冬十分收成實為數十年未有之豐登今春正

二三月米每石價銀八錢五分麵每石錢九百文

深慰

朕念

雨水調勻禾苗種植二麥秀茂地方寧謐民人樂

業

臣

謹據實奏

聞謹

奏

覽

雍正九年三月十五日福建汀州總兵官

臣

朱杰

謹

奏為據實奏

聞事竊查汀郡八邑今春雨暘時若二麥十分秀實現
在米價每石銀七錢地方寧謐民人樂業

臣

標三

營製造盔甲器械經臣陸續摺

奏茲軍裝軍需隨時修整按季冊報督提二臣察核

不敢復瀆

宸聰

臣

標三營兵丁按期操演技藝頗諳有志上進各

安營伍

臣

謹據實繕摺具

奏伏乞

皇上睿鑒謹

奏

覽

凡百據實無纖毫粉飾之辭方為不欺也

雍正九年十月十九日福建汀州總兵官

臣朱杰

謹

奏為據實奏

聞事竊查汀郡夏秋以來據各屬所報亦有晴雨不齊
但晴久即雨雨足而晴竝無旱澇之患是以閩省
八郡年成尤推汀州為最現今米價每石七錢民

人樂業地方十分寧靜

臣

標三營本年四月內製

造會哨循環號旗一十二面六月內製造帳房一

百五十頂又製造大緞纛二十六桿副什長旗一

百三十桿面紅旗二十六面其動用公糧銀兩數

目俱經該將備等造冊報明督臣提臣察核

奏銷此九月二十九日觀風整俗

臣

劉師恕巡視到

汀同

臣

於十月初六日閱操訖各兵技藝較前俱

覺純熟

臣

不敢毫有粉飾謹據實繕摺具

奏伏乞

皇上睿鑒謹

奏

覽奏知道了操守為第一要務時自檢查不可少忽

雍正十年四月十六日福建汀州總兵官

臣朱杰

謹

奏為據實奏

聞事雍正十年正月十六日

臣齎摺家人回汀捧到

硃批諭旨

臣

恭設香案望

闕叩頭謝

恩訖伏讀

聖諭操守為第一要務時自檢查不可少忽欽此

臣於

雍正七年十一月初四日蒙

皇上硃批

臣

摺砥礪操守最為要務汝等武臣於此多

不檢點徇目前之小利忘身家之大害者十居八九

況血氣既衰戒之在得尤為難事勉為之莫負朕恩

保全始終留令名於子孫勝如金帛田產多矣切勿輕重倒置勉之慎之欽此

臣敬謹鈔錄

聖諭朝夕供奉觸目警心務期保全一生無負

皇上擢用教養之隆恩茲復仰承

天語煌煌

臣

敢不益加勉勵

臣

竊思武臣之務誠莫要

於操守而操守之端與不端比文臣之賢否尤為易見蓋兵只有此數非如百姓之散處不齊朝夕皆有見聞操守既端則號令賞罰兵皆肅然而畏

言易

行難勉實行與

朕親之空言何足為貴

帖然而服視之如嚴父慈母焉若操守不端或偏

執已意或瞻徇情面言出而兵不信法嚴而兵不服嘖有煩言甚且互相詆毀此前車可鑒也臣自初任遊擊即誓不賣一糧不虛一餉與文官同城公事相見外毫無交結從不說一情講一事歷任至今惟有清白乃心始終如一以自刻勵上司文武莫不共見共聞總求上無負於

國家下無愧於兵民而已上年臣標蒙

皇上恩賞生息銀一萬二千兩臣以汀郡地僻民貧難
於營運又恐付託非人貽誤不淺是以懇呈督臣

劉世明

題請就省給交鹽驛道楊宏緒收貯代為運鹽生息
自雍正九年二月二十五日起據鹽驛道咨報每
季得息銀四百八十兩零至今年二月四季已足
應得息銀一千九百二十兩俱現貯道庫臣伏思
國帑一萬二千兩而其為息計自分毫一年之內積

成一千九百餘兩倘委託非其人年久月深授受之際幾微不清則為操守之累不少矣臣所以力

請代

題營運三營官兵咸共諒而胥服者也臣敢因

聖諭而據實陳之伏惟

聖明照察汀郡舊冬已極豐登臘月雨雪今年入春以來亦復雨雪但二三月雨水稍多幸閏三月杪至四月初天時少霽臣親往各郊查勘禾秧遍插二

麥穗子飽滿據各鄉民稱麥子有九分收成禾苗
青翠所種俱各豐茂民間食米每石價銀八九錢
不等地方十分安靜四民樂業至臣所轄延平邵
武二府地方寧謐雨水霑足米價均平合併

奏明伏祈

皇上睿鑒謹

奏

覽

雍正十年九月十二日福建汀州總兵官

臣朱杰

謹

奏為據實奏

聞事雍正十年六月初五日

臣齋摺家人回汀捧到

硃批諭旨

臣隨恭設香案望

闕叩頭謝

恩跪誦之下惶悚無地伏念言易行難

聖諭煌煌誠不易之定論第

臣非敢為空言也

臣自任

汀以來經今六載竊見數年中米穀頗稱豐稔地

方頗

誠哉武夫如此自獎之奏從未見聞是乃幕

寧謐營伍軍實

頗稱齊備

兵丁技藝

頗稱

嫺熟

臣之節槩

頗見信於同官

賞罰之公

頗見稱

於弁卒

若不據實摺

奏尤非臣子無隱之義是以愚蒙冒昧上瀆

客愚

弄汝也大笑覽之

於弁卒

若不據實摺

奏尤非臣子無隱之義

更可發一大笑

是以愚蒙冒昧上瀆

天聽若夫居官之道有為不可無守有守不可無為訓

練精而益求其精操守潔而愈求其潔此臣之夙

夜殫精竭力詳慎始終而不敢須臾稍懈者臣雖

臣之夙

練精而益求其精

操守潔而愈求其潔

此臣之夙

練精而益求其精

操守潔而愈求其潔

此臣之夙

練精而益求其精

夜殫精竭力詳慎始終而不敢須臾稍懈者臣雖

臣之夙

練精而益求其精

操守潔而愈求其潔

此臣之夙

駕鈍尚堪鞭策惟有凜遵

聖訓深自勉勵以仰報

皇恩於萬一耳

臣

查本年汀郡暨延平邵武地方夏秋

雨水沾足秋成實有九分米價每石八九錢不等

民人樂業地方寧謐再七月二十五日接署督臣

郝玉麟照會緣臺灣北路土番不法檄撥福寧鎮

標兵丁三百名往臺剿捕該處汛防亦關緊要合

就檄撥汀州鎮標三營內撥兵二百名前往福寧

分發貼防等因到臣隨即轉行三營派撥戰守兵
丁二百名令左營右哨千總張朝任管押於七月
二十九日起程去訖合併繕摺具

奏伏乞

皇上睿鑒謹

奏

覽奏知道了

欽定四庫全書

硃批諭旨
卷一百七十九

二十三

硃批諭旨卷一百七十九

欽定四庫全書

史部

硃批諭旨卷一百

八十二
八十二

詳校官尚書臣德保

編修臣裴謙覆勘

總校官中書臣朱鈐

校對官典簿臣郭祚熾

謄錄監生臣王藻

欽定四庫全書

硃批諭旨卷一百八十

硃批李秉忠奏摺

雍正六年二月十二日杭州織造

臣李秉忠謹

奏為恭謝

天恩事

臣

一介庸愚至微至賤由廣儲司司庫歷陞

內閣侍讀學士雍正五年九月荷蒙

聖恩超擢河南按察使赴任未久寸長莫效又蒙

皇上慈鑒以臣刑名事務未甚諳練著以按察使銜管
理杭州織造事務聞

命自天報稱無地臣自問何人膺此重任惟有竭盡駑
駘勤慎供職以仰報

皇恩於萬一耳所有感激微忱理合具摺奏

謝謹

奏

今將爾調任蘇州織造矣勉力供職惟當以顧惜顏面

為務

雍正六年二月二十七日蘇州織造臣李秉忠謹

奏為恭謝

天恩事竊臣於雍正六年二月二十二日准浙江督臣

李衛咨准吏部咨開奉

旨李秉忠著調補蘇州織造仍兼理潯墅關稅務欽此

欽遵隨即望

闕叩頭謝

恩訖伏念臣荷蒙

聖恩以按察使銜管理杭州織造事務任事未及一月

復奉

恩旨著調補蘇州織造仍兼潯墅關稅務臣聞

命自天報稱無地膺此錢糧重任惟有矢公矢慎竭誠

供職以仰報

皇恩於萬一耳為此繕摺奏

謝謹

奏

竭力保全顏面莫負朕任用之恩但爾等包衣下賤習氣率多以欺隱為務每見小利而不顧品行辜恩者不一其人即爾奏中矢公矢慎等語朕亦未能遽信試勉力行與朕看

雍正六年三月初三日蘇州織造

臣

李秉忠謹

奏為奏

聞事竊

臣

於雍正六年三月初二日到蘇視事確查今

春雨水調和菜花麥子俱甚茂盛將來可獲豐收
現在米價亦不高昂小民樂業毋煩上廩

聖懷所有二月分米糧價值并晴雨日期理合另摺開
報謹

奏

覽雨水調和情形深慰朕懷凡如此等之奏務須一一
據實入告毋得絲毫隱飾即地方一切事務及大小官
員之優劣若果灼見無疑亦當據情直陳倘不慎密招

搖炫露借稱朕之耳目擅作威福嚇詐地方則自貽伊
戚也且不但本省宜然蘇州地當孔道為四方輻輳之
所其來往官員暨經過商賈或遇有關係之事亦應留
心體訪明白密奏以聞織造鈔關雖兩處衙門皆無繁
勞辦理之處與其空間無事何如於此等處留意莫愛
惜心力趨避利害一秉良心為朕效力朕自然知悉若
惟徇一己之私容默自便及虛張聲勢分外多事亦不
能逃朕之照察也勉之慎之

雍正六年九月初六日蘇州織造臣李秉忠謹

奏為

天威遠播事欽惟我

皇上治隆千古

功冠百王

文德覃敷洽深仁於異域

武功赫奕凜聲教於殊方凡戴高履厚之區日出扶
桑之地無不遠奉

正朔爭效

享王乃有阿爾布巴等逆天背理侵擾西藏

皇上胞與為懷赫焉震怒

特命大臣帶兵前往究察情由分別治罪一切機宜皆

預定於

宸衷勝算今渠魁已經就擒從此沙漠永清共樂昇平

矣臣接閱邸鈔不勝踴躍歡忭之至為此具摺稱

賀以

聞謹

奏

此事仰賴

上天垂慈竝

聖祖在天之靈默佑成功實非人力所強能者

奏事之摺留中

同日又

奏竊臣保薦監察御史現在江南稽察錢糧伊拉齊

前在

養心殿造辦處與

臣

一處當差見其為人謹慎操守

頗好才亦敏捷今稽查錢糧盡心料理辦事明白
堪勝布政使之任前任河南南陽府知府今陞江
寧糧道劉永鑽臣在河南時聞其在滎澤縣聲名
甚好後見任南陽府辦事勤敏刑名諳練操守亦
優堪勝按察使之任為此繕摺謹

奏

此二人何待爾舉保朕素所知者聲名俱好劉永鑽居
心尚未悉其定向若肯向上造詣將來更當進益但少
覺虛偽耳

雍正七年二月初四日蘇州織造臣李秉忠謹

奏為奏明商船阻淺事竊臣於雍正六年三月初二

日到任徵收頭二三季正餘錢糧俱有九萬十萬

十一萬不等悉按季報部矣惟第四季錢糧自十

二月至正月兩箇月止收二萬九千兩有奇於正

額尚未足數查現季錢糧短少情由悉因上年夏秋之交雨水不多民間又復戽水溉田是以稼穡豐收而河水淺涸目下又兼空艘南旋重運北上以致鎮江口至丹陽一路凡來往商船以及官員差使人等船隻停泊河干俱難行動甚有耽擱數十日方能進鎮江口者如遇重運阻淺又拏商船起剝目今不但貨船不能到關致虧

國課即糧艘亦多阻滯恐誤漕運理合據實奏

聞伏乞

皇上敕下漕臣暨督撫二臣如何設法使河路疏通庶
漕務不致有誤而課稅無虧行旅商民均有裨益
矣謹

奏

漕河阻淺殊未之聞商賈船隻或因重運北上不無耽
延阻滯耳

雍正七年三月初十日蘇州織造臣李秉忠

奏為恭請

陞見以杼蟻姻事竊臣自雍正五年九月間蒙

聖恩超擢河南按察使赴任未久

特命管理杭州織造旋調蘇州又兼許墅關稅務睽隔
天顏迄今幾近二載臣受

恩深重悚惶依戀更倍尋常今關差一年任滿共收正
餘錢糧三十五萬九千五百五十兩有奇除額解
銀十九萬一千一百五十一兩零盈餘銀一十六

萬八千三百九十八兩零現在彙解伏乞

聖恩

允

臣

赴京

陛見恭請

聖安則外任事宜既得跪聆

聖訓微

臣

下惻庶幾少遂瞻依仰沐

洪慈於生生世世矣為此具摺

奏請以

聞謹

奏

不必來京在任勤慎效力勝如無益之往返也諸如地方上風聞事件從未見爾陳奏一次此後亦當留心訪詢但須慎密毋借此作威福於人若不能密不如不奏也

咏批諭旨卷一百八十

欽定四庫全書

硃批諭旨卷一百八十一

硃批喬于瀛奏摺

雍正二年十一月初七日廣西右江道臣喬于瀛

謹

奏為恭謝

天恩事竊臣由縣令行取陞授部郎仰蒙

皇上特恩補授右江道員於雍正二年六月初四日跪

聆

聖訓誥誡周詳勸勉兼至又奉具摺或附李紱或附韓良輔之

恩旨又

賜三月三日

御製詩墨刻并香珠貂皮茶葉錠子等物當即叩頭謝恩祇領併

奏明初六日起行臣遵於是日出京前赴粵西於十

月初十日先至桂林府巡撫衙門恭傳

皇上面授

聖諭十六日抵臣駐劄之柳州府又先至提督臣韓良輔衙門恭傳

皇上面授

聖諭隨於本日到任受事訖臣謹遵

旨繕摺恭設香案望

闕叩頭敬附提臣韓良輔處進呈

奏謝伏乞

皇上睿鑒謹

奏

知道了凡事不可越分慎之母忽

同日又

奏為奏

聞事竊臣於雍正二年六月初六日自京起行凡旱路
所見高下地畝仰賴我

皇上洪福雨水霑足禾稼茂實

臣

於江西湖南二省水

路經過地方沿途歷問雨水情形收成數米糧
價值據各鄉民俱稱六七兩月沛有甘霖近水之
田收成約有九分上下其餘山阜之區亦俱有六
七分不等每米市斗一斗有賣至七分以內者亦
有賣至八分以外者其桂林府屬與臣駐劄之柳
州府屬亦自六七月時沛甘霖至八月又得微雨
統計收成約有八分米價每市斗五六分內外不

等再臣由江西湖南至粵每過地方買取食物鋪戶小民即問帶有雍正制錢情願以一當十隨問此間會否有無僉稱從未見過其懽欣欲得一見之輿情在在如同一轍臣目擊此等情形不敢壅於

上聞可否

特頒諭旨飭部行令各省督撫就地所有之銅觔酌量購買鼓鑄給發鋪戶兌換民間與康熙制錢搭配

行使以慰億萬姓仰慕

各省開爐鼓鑄已詳議數次矣何明知而多此一奏耶

聖天子雍正制錢之願不啻慶溢普天益切懽騰徧地

矣除臣右江道所轄三府一切事宜與土民苗獞

情形如有應

奏之處容臣查訪切實另摺具

奏外所有前項各情由理合奏

聞伏乞

皇上睿鑒施行謹

奏

所奏俱悉地方諸務應詳者呈詳上司而行不得瀆奏
不可借此逞挾制之私凡關密達之事毋露一字干係
爾身禍福不輕須慎之又慎

雍正三年五月十三日廣西右江道臣喬于瀛謹

奏為恭謝

聖恩高厚無疆微臣感戴弗諉事竊臣蒙

皇上賜發

硃批

臣

奏摺到粵隨出郊跪迎至署恭設香案望

闕叩頭密啓敬讀仰見

聖主恩深教誡彌摯

臣

不勝感激惶悚之至

臣

嗣後斷

不敢一事稍有越分應詳上司之事

臣

斷不敢越

分瀆

奏亦不敢借此挾制上司至於密

奏之事

臣

蒙

皇上何等

隆恩斷不敢一字輕露自蹈萬死之罪又蒙

御批慎之又慎之

訓旨臣嗣後愈加敬凜斷不敢一事一刻不小心謹慎
致負

皇上教誡之

聖恩理合恭摺

奏謝臣仍就近附於提臣韓良輔處進呈伏乞

睿鑒謹

奏

知道了朕非不令爾奏達地方情形但務慎密為要爾
本任內事既有上官不應擅專何可越分陳奏其不干
爾之事無論本省隣省凡有所見所聞只管據奏以廣
朕之耳目即風聞不甚的確朕亦原恕不加譴責也

同日又

奏為奏明事竊臣屬柳州慶遠思恩三府民止什分

二三半係土著半係流寓徭獠伶仃狼苗獠蠻各

種之人居其七八凡有具控官司之事非稱礮火
刦殺即稱黑夜燒擄皆因積有讐隙臣屬所謂盜
賊諸如此等情事為多若必繩以法律恃險抗拒
差莫能拘勢必動兵未免騷擾殊非地方之福臣

念此輩愚蠢無知情屬可憫時與屬員共勉開導

粵西

蠻野習俗朕向所知正宜徐徐說法化導豈可漠

然置之於度外耶

使之稍知感化能近情理不復生事以庶幾仰副

皇上愛育羣黎併委任地方之至意再臣屬之三府米

價倉斗每石銀五錢內外不等冬春至今約畧相

皇上愛育羣黎併委任地方之至意再臣屬之三府米

同又入春至今雨水調勻田疇優渥民俱樂業預
慶有秋合併奏

聞伏乞

皇上睿鑒謹

奏

所奏四摺一摺留中矣

雍正三年十一月十四日廣西右江道臣喬于瀛
謹

奏為奏明事竊臣於本年七月起至九月遵照撫臣

李紱檄委盤查柳州慶遠思恩三府屬各州縣倉
穀所歷程途千有餘里經過村莊煙戶稍多之處
無論民徭以及堡目團練鄉勇村老必傳集當面
宣揚

皇上愛養之

聖德靡不歡忻忭舞俱稱願作好人嗣後總不為匪犯
法臣既目覩此等情形不敢壅於

上聞再臣凡有關係地方民生之事應詳督撫者臣即

備具情由詳請酌奪所有臣奉到

硃批奏摺臣俱封固親齎赴省交與撫臣李紱轉

奏外此次

奏摺仍就近附於提臣韓良輔處進呈

御覽謹

奏

知道了勉力循分盡職莫務奔競

同日又

奏為土民之禮義非讀書莫啓請立土官勸懲令民一體力學應試以廣

皇仁以隆文教事竊臣查粵西土府州縣土民禮義鮮知不通文理總由土官平日願其愚不樂其智竝不令民多讀書稍通文理誠咎不在民而在於土官也臣愚請嗣後土府州縣土民子弟俱責土官實心令之力學如五年以內即有童生應試者該

土官錄送由府轉送學臣考試十人之中量取一名其新進童生除土屬建有學宮設有教職之處即歸本學外其餘俱先附該管之府府學俟人文漸盛照地方大小酌定名數建設學校另選教職至於初次新進童生一名及初次中式舉人一名進士一名者將該土官分別議叙示勸如五年以外並無童生應試十年以外仍無童生應試者將該土官分別議降示懲俟有童生應試進取之日

分別開復如此則土官咸惕於勸懲而民皆得沐
浴於詩書人人知有禮義矣臣為土屬人心風俗
起見不揣冒昧恭摺密

奏是否有當伏乞

皇上睿鑒施行謹

奏

此事應與爾該督撫商酌直據所見而言勿云曾經奏
過

同日又

奏為奏

聞事竊臣屬柳慶思三府屬各州縣併新奉改之直隸
賓州所屬各縣地方今歲高下地畝早晚禾稻收
成實在有六七八分至九分十分不等惟柳州府
屬之象州因七月間大雨田疇微有被淹之處收
成稍歉實止五分其現在三府一州所屬地方新
穀每倉斗一石價銀二錢三四分至二錢七八分

不等紅白糙熟各色新米每石價銀五錢至六錢
內外不等又查各屬棉花收成亦有五六七八分
不等至於早禾收割復栽蕎麥豆子亦俱有收所
有臣屬今歲地方收成仰賴

皇上洪福民食民衣兩俱有藉即象州收成稍歉而地
處近水船運往來貿易米穀價平民間亦不致有
困苦理合一併奏

聞謹

奏

覽所奏收成分數米糧價值知道了百凡總宜據實直陳毋稍粉飾

雍正四年五月十六日廣西右江道臣喬于瀛謹奏為遵

旨商酌事竊臣前恭摺密

奏請立土官勸懲令民一體力學應試以廣

皇仁一摺奉到

皇上硃批諭旨臣即遵

旨與督撫兩臣商酌竝不敢聲言

奏過情由督撫兩臣俱令

臣詳到核奪

臣於本年三

月二十五日備文分詳督撫聽候核奪訖所有
臣
遵

旨商酌情由擬合據實

奏明謹

奏

看汝光景不似不聲言人也

同日又

奏為奏明事竊

臣准布政司

臣黃叔琬照會遵照撫

臣汪濬批委

臣

監收潯州廠稅臣隨自柳州起程

赴潯於本年四月二十日接管任事所有應抽貨稅俱照原定稅例竝從前各經管酌減分數公平抽收斷不敢苦累商民致負我

皇上恤商愛民之

聖恩至於每月抽收稅銀務俱儘收儘解斷不敢苟且
營私自干罪戾統俟每月收有成數臣當逐一據
實密

奏擬合

奏明伏乞

皇上睿鑒施行謹

奏

於具奏不敢營私之時業既營私矣爾之聲名不好亟

宜小心

欽定四庫全書

殊批諭旨

卷一百八十一

十三

殊批諭旨卷一百八十一

欽定四庫全書

硃批諭旨卷一百八十二

硃批禪濟布奏摺

雍正二年閏四月二十一日巡視臺灣御史臣禪

濟布臣丁士一謹

奏為恭謝

天恩併報微臣接任日期事竊臣等奉

命巡視臺灣於雍正二年二月初六日恭請

聖訓仰承

天語諄切敢不力圖報稱於四月二十五日至福建省城於閏四月二十一日到臺灣臣等恭設香案望闕叩頭謝

恩前任御史臣吳達禮黃叔瓚口傳

硃批伊等奏摺將數年經歷民情土俗一切地方事宜備悉令新任知悉欽此臣等跪聽之下感激難名惟有勉竭駑駘益加策勵以上副我

皇上委任至意至一切事宜容_臣等細心諮訪次第入告外理合具摺恭謝

天恩謹

奏

知道了汝二人勉思盡力毋忝厥職應奏聞之事絲毫莫隱據實入告

雍正二年六月初四日巡視臺灣御史_臣禪濟布
臣丁士一謹

奏為奏

聞事竊據臺灣府知府高鐸報稱本年閏四月二十七日有琉球國番子小船一隻內番子一十六人被風飄至澎湖業經澎湖副將陳倫炯解送提督轉遞到省等因臣等隨飭該地方官加意撫恤去後又據臺灣府報稱據諸羅縣申稱五月初七日外海有雙桅船一隻被颶風飄泊至八里坌地方係中山國琉球番船內番男番婦共二十八人奔投

上岸船即擊碎飄散無存解遞來府轉報到臣衙
門臣等會同鎮臣及該府當令臺協弁員伴送厦
門交提督轉遞到省聽督撫二臣優恤安插在案
臣等隨捐給銀米併飭該地方官沿途保護毋致
失所以仰副我

皇上懷柔遠人之至意謹

奏

荒外遠人理應加意存撫以示中華廣大之仁

雍正二年六月十五日巡視臺灣御史 臣禪濟布

臣丁士一謹

奏為恭報雨水田禾地方情事臺灣氣候物產與
內地不同種早稻者少雜植菁麻豆蔗栽插晚稻
在五六月之交於閏四月二十八九等日連得大
雨五月及今甘霖疊沛所種早稻菁麻豆蔗俱極
茂盛晚稻悉得及時栽插現今穀價每石三錢五
六分米價每石八錢二三分全郡大槩相似地方

安靜民番樂業文武各官悉皆和衷辦事合併奏
聞謹

奏

和衷二字最為官箴之要倘有意見不同處秉公據實
密奏不可匿怨而友尤不可徇友誤公

雍正二年八月初四日巡視臺灣御史臣禪濟布
臣丁士一謹

奏為奏報颶風情形事臺灣於本年七月二十三

等日大風雨非常迅烈臣等親身查勘附近里莊
草房間有倒塌雖早稻吹損幸臺邑佈插無多晚
稻出水二三寸許竝未摧折臣等隨差員分頭星
往南北二路查勘鳳山縣屬早稻被風之處與臺
邑相同晚稻無損自諸邑北至彰化縣風雨俱不
甚迅烈至於被風兵民房屋及各港口擊壞商哨
船隻臣等飛飭各該地方官弁逐一確查詳報督
撫

題達外所有颶風情形理合具摺奏報以

聞謹

奏

往返萬里惟憑一紙之奏總宜據實為務

雍正三年三月十六日巡視臺灣御史臣禪濟布

謹

奏為奏

聞事竊臣一介庸愚蒙

皇上天恩

特命巡視臺灣海疆要地時切冰兢惟思勉竭駑鈍仰

報

皇上高厚之恩於萬一茲臣查閱郡治自荷

國恩休養至今生聚日繁閭閻稠密而背山面海一

望曠遙既為四方雜處之區乃無一尺藩籬之衛

姦良來往不易稽防倉庫監獄更闕重大臣再四

思維與陞任御史臣丁士一鎮臣林亮臺廈道臣

吳昌祚公同確商建城則工料浩繁壘土又沙浮
易陷臣等籌酌樹以木柵其基三面環山周經一
千八百丈每丈木植釘鐵灰土人工料估用銀四
兩木長一丈六尺下裁四尺用石灰沙泥填築木
杪上頂釘以鈎釘用木板上中下橫連三道釘固
每隔四十丈蓋小望樓一座上安礮位撥兵夫守
於要衝之處開闢四門各築門樓安設礮位木柵
之西兩頭俱抵海邊各設礮位千把總輪值以司

啓閉以固屏障臣與丁士一林亮吳昌祚暨各文武弁員皆協力公捐復據闔郡紳衿士庶人等相率環署籲請捐輸又據臺灣縣知縣周鍾瑄詳同前由士民皆懽欣踴躍自一二尺起以至一二丈不等樂願捐備竝無抑派今據臺廈道吳昌祚擬擇本月二十七日興工仍經報明督撫專委臺灣縣周鍾瑄親董其事經理收支名匠購料工完造冊報銷外所有建築木柵情由理合繕摺奏

聞謹

奏

兩年以來臺郡文武官弁與禪濟布等俱能實心任事
即此建築木柵一事籌畫甚屬允妥深為可嘉將摺內
有名官弁該部議叙具奏

同日又

奏為

聖德覃被無疆生番歸化日衆事前據陞任臺灣知府

高鐸招徠北路山前巴老遠社等四社又據臺廈
道吳昌祚招徠捌里岡卑南覓等六十六社歸誠
俱經

題報在案今據該道報稱又招徠南路生番猫仔等
社土官妹羅裙新蟯老務等三十五名經地方營
縣差員伴送來府并齎獻戶口冊內開猫仔社紹
勝釐社等一十九社前來歸化等情到臣隨會同
鎮道暨各文武弁員宣布

皇恩徧加獎賞令通事人等伴送各番回社飭令地方
官加意撫綏嚴禁擾累俾各安居樂業外其戶口
冊籍聽督撫臣會疏

題報所有生番歸化情由理合具摺奏

聞謹

奏

覽奏生番歸化已悉更聞生番有傷人之事為何不行
奏聞

同日又

奏為恭報得雨日期事竊據臺廈道吳昌祚報稱臺灣府屬四縣地方於二月十二二十九二十一等日俱得雨八九寸不等本月初二初三十三等日又雨四野霑足各處芒蔗芝麻雜糧早稻已經及時栽種春花黃豆大小麥等項俱各豐收到臣臣覆查無異此皆仰賴我

皇上洪福民番樂業文武和協地方安靜理合具摺奏

聞謹

奏

據奏臺郡雨足麥熟深慰朕之遠懷

雍正三年五月初四日巡視臺灣御史臣禪濟布
謹

奏為恭謝

天恩事竊臣蒙

皇上特簡巡視臺灣迄今一載凜惕彌深常憂隕越今

接到都察院劄付恭沐

天恩俾

臣再任一年臣聞

命自天惶感無地惟有益勵冰兢以圖報稱臣又接兵

部來文於鎮臣摺奏生番歸化事敘及臣與丁士

一吳昌祚等欽奉

御批林亮等從優議叙疊荷

聖恩直同覆載伏思生番來歸實惟我

皇上恩溥德洋以致遐方慕義輸誠即捐賞招徠亦鎮

道臣共謀協力克宣

德威臣無毫髮之功而濫叨

賞格清夜問心實深愧悚伏乞

皇上俯鑒愚誠留此

殊恩以賚有功庶犬馬微忱得以自安為此繕摺恭謝
天恩謹

奏

但能將地方諸務殫心糾察共相經理事務據實上達

勿隱則居之無愧何不安之有勉力為之

雍正三年九月初九日巡視臺灣御史

臣禪濟布

給事中

臣景考祥謹

奏恭請

皇上聖躬萬安

朕安風聞爾等臺灣文武不和諸事互相掣肘果若此於地方甚無益兵民胥至受累朕殊為此廑念如有則改之無則加勉倘被朕訪知的確降旨譴責爾等其將

何詞解免耶

同日又

奏為恭報雨水田禾情事竊今歲臺灣自春月即
有雨澤入夏以及七八月以來雨水連綿四境沾
足所以田禾之盛逾於往歲民間早稻已登雜植
菁麻豆蔗俱獲豐收皆我

皇上深仁至德感召

天和因而雨暘時若百姓盈寧也理合據實奏

聞謹

奏

據奏收獲情形深慰朕懷

同日又

奏為海神效靈懇頒

宸翰以昭崇報事臣等聞前靖海將軍臣施琅征服臺

灣之時舟師戰於澎湖隱隱有神兵助陣是日海

神天妃廟中見神像皆有汗下大軍既集島中乏

甜水臣施琅禱於天妃廟移時水泉溢出足供數

萬人飲及至臺灣之鹿耳門乃全臺鎖鑰僅容一
舟止可魚貫而進乃潮水驟長五尺益以順風舟
師聯帆直入遂定臺灣經臣施琅恭疏具題

聖祖仁皇帝敕建天妃神祠其原籍興化府莆田縣湄洲
勒有

敕文以紀功德隨又加封天后康熙六十年臺匪竊發
其時水師臣藍廷珍林亮等率師至鹿耳門水亦

驟長舟師揚帆竝進七日克復全臺此天后屢顯
靈異以勲耆定之績者也臣等竊見復臺以來凡
大小臣工片績微勞俱蒙

寵賚況天后之靈感昭昭在人耳目臣等仰懇

聖恩親灑

宸翰製成匾額臣等請恭摹為三一奉於天后原籍

聖祖敕建之祠一懸於廈門鎮祠中一懸於臺灣府祠中
不特海神增光俎豆翼戴無疆且使梯山航海負

氣含生之衆無不就日瞻雲共仰

天顏於咫尺矣為此恭懇

聖恩伏乞

睿鑒施行謹

奏

國家崇德報功人神一理該部查議具奏

雍正三年十月初七日巡視臺灣御史臣禪濟布

謹

奏恭請

皇上聖躬萬安

朕躬安覽爾所奏之事咸係爾職分中應奏聞者一切
悉照此秉公無隱甚屬可嘉殊為不負朕之任用也爾
本係一誠懇謹慎之人諸凡就此誠實本分一邊行去
自無差謬切毋稍涉欺飾弄巧反成拙也勉之

同日又

奏為恭謝

天恩疊錫事竊臣於生番歸化事蒙

恩議敘加級又臣籌臺灣府治建築木柵事與陞任御

史臣丁士一鎮臣林亮臺廈道臣吳昌祚等公議

協同具摺奏

聞欽奉

御批將摺內有名官升該部議敘具奏欽此跪讀之下

頂踵難酬臣何人斯獲遭

隆遇至此惟有朝夕與臺灣文武各官互相勸勉共矢

冰兢揆日課工務求堅固撫番保庶益躋熙皞以
樂昇平庶竭犬馬之微勞上報

高深於萬一理合繕摺恭謝

天恩謹

奏

覽爾奏謝知道了爾等官名監察顧名思義凡事秉公
一無阿徇乃職分當然但以無隱為要勉力為之至於
密摺奏聞之事在朕斟酌偶一宣露則可在爾既非露

章惟以慎密不洩為要否則大不利於爾而亦無益於
國事也其凜遵毋忽

雍正三年十月十六日巡視臺灣御史

臣禪濟布

給事中

臣

景考祥謹

奏為恭報地方收成穀價仰慰

聖懷事竊臺灣自二月初旬至九月將盡雨澤從未欠
缺十月內禾稼盡登十分收足誠為大有之年目
下臺灣府治穀價每石三錢三四分不等鳳山彰

化二縣每石三錢諸羅縣每石二錢六七分商民人等無不歡欣鼓舞理合據實奏

聞至於建築木柵之事於十一月初旬必能完工俟工竣之日另行摺

奏合并聲明謹

奏

據奏全臺年豐穀賤大慰朕懷

同日又

奏為據實陳情仰慰

天鑒事竊臣禪濟布前奏生番歸化一摺奉到

硃批聞生番有傷人之事為何不行奏聞欽此臣等查

得本年二月十九日臺灣之羅漢門地方有汛兵

林觀董廣楊捷賴雲齊歡等五名奉差至坑口伏

路林觀董廣夜遇生番鏢傷斃命楊捷等三人執

械相持幸有巡夜兵丁接應殺死生番二名餘番

逃竄拾得鏢箭具報諸羅縣立即差押通事拏獲

兇番四名通報在案

臣等即欲奏

聞緣查閱舊案生番傷人前任御史

臣吳達禮黃叔璥

皆未陳奏俱由地方官照人命例審擬

題結

臣等一介庸愚蒙

皇上委任其有利弊所關督撫提鎮未及奏陳者敢不

據實奏

聞至於人命盜案等事地方官自當照例具

題

臣等何敢冒昧輕瀆

聖聰臣等已與鎮臣道臣并府廳縣公同商酌務將就
近一帶生番之為民害者或用招撫或用勦捕必
審時度勢謀出萬全尚未敢輕動也今蒙

皇上天語垂問謹將生番傷人情節及臣等愚悃據實
陳明伏祈

聖鑒謹

奏

生番乃未沾王化之人爾等相機隨宜招撫則可勦捕

必致戕害生命有傷

天和不可輕舉妄動也

雍正三年十二月初二日巡視臺灣御史

臣 禪濟

布謹

奏為奏

聞事竊

臣

去歲閱視臺灣鎮協水陸操演半係新換兵

丁俱屬平常隨飭訓練至本年十一月十六日鎮

臣 林亮知會

臣

暨道府縣驗閱陸師大操計三營

額設馬步戰守兵二千七百名除分防各塘汛撥
守各營盤及各官隨丁并先到馬兵除分撥南北
三營外現在馬兵一百二十名步兵一千六百名
本日合操馬步各兵軍火器械頗皆諳熟步伐止
齊俱各有方時即嚴飭臺協將領悉照陸師勤加
操演俾其平地熟習則戰艦施演自無倉惶失措
之虞其澎湖協營向例臺屬文官一員看操兩載
未有具報臣并商鎮臣飭行澎協按期操演至明

春大操照例報知合將臺鎮陸師情形據實奏

聞至於

臣

前奏請酌撥內地四十三營馬兵三百名防

臺經商鎮臣委員到厦看驗如有廣馬騾馬以及
不堪者發回更換務要臚壯足額以濟實用現在
催趲前來俟齊足之日另行具

奏合并聲明謹

奏

覽奏朕深為嘉悅三年以來聞爾聲名頗好所以兩次

留爾巡臺近日景考祥叅奏爾之過咎爾今又叅伊之
款蹟事難臆斷只得令爾赴省與景考祥對質自然水
落石出皂白判然矣

雍正四年二月二十一日巡視臺灣御史

臣禪濟


布謹

奏恭請

皇上聖躬萬安

朕安所事閱爾奏摺始洞悉原委不然則舛錯至不可

問矣朕今即交與高其倬審理爾但坦懷勿慮致有冤抑也所幸者有此一奏否則朕亦幾被所愚設或審理時少涉枉屈朕必調爾等來京親加覆鞫以定是非曲直



硃批諭旨卷一百八十二